



XALQ DEPUTATLARI TOYLOQ TUMANI KENGASHINING QARORI

2022 - yil 19 - aprel

VI-54-69-7-104-K/22

Toyloq tuman hokimligi

2022-yil I-chorak yakuni bilan tuman mahalliy budjetining ijrosi to‘g‘risida shuningdek hudud salohiyatidan kelib chiqqan holda mahalliy budjet daromadlarining qo‘shimcha manbaalaridan foydalanish yo‘nalishlari, jumladan, mahalliy budjet daromadlarini oshirishning aniqlangan rezervlari to‘g‘risida

Tumanda Mahalliy budjetning 2022-yil I-chorak daromadlar tushumi prognozi 19 11,1 mln.so‘mni tashkil etib, hisobot davrida 21 412,9 mln. so‘mga bajarildi yoki belgilangan rejaga nisbatan 112,6 foizga bajarilib, daromadlar rejasi 2 402,0 mln. so‘mga orttirib bajarildi.

Tuman mahalliy budjetining I-chorak daromadlar rejasi umumiy tarzda oshirib bajarilgan bo‘lsada, manbaalarning 3 turi bo‘yicha tushumlar rejasi ta‘minlanmadi.

Jumladan, soliq turlari bo‘yicha quyidagicha:

Jismoniy shaxslardan olinadigan yer solig‘i bo‘yicha reja 2 478,0 mln.so‘mni tashkil qilib, haqiqatda 1 773,4 mln.so‘mga bajarilib 71.6 foizni tashkil etdi yoki belgilangan reja 704,6 mln.so‘mga bajarilmadi.

Jismoniy shaxslar mol-mulkiga solinadigan soliq bo‘yicha reja 1 738 mln.so‘mni tashkil qilib, haqiqatda 1 132,5 mln.so‘mga bajarilib 65.1 foizni tashkil etdi yoki belgilangan reja 605,9 mln.so‘mga bajarilmadi.

Yer qaridan foydalanganlik uchun soliq bo‘yicha reja 2 213,1 mln.so‘mni tashkil qilib, haqiqatda 649,8 mln.so‘mga bajarilib 29.4 foizni tashkil etdi yoki belgilangan reja 1 563,2 mln.so‘mga bajarilmadi.

Shuningdek, O‘zbekiston Respublikasi Vazirlar Mahkamasining 2017-yil 29-iyundagi 445-sonli “Mahalliy budjetlarning daromadlar bazasini kengaytirish zaxiralarini aniqlash ishlarini tashkil etish chora-tadbirlari to‘g‘risida”gi qarorining ijrosini ta‘minlash maqsadida tuman moliya bo‘limi va Davlat soliq inspeksiyasi xodimlari tomonidan joriy yilning I-choragida jami 738,6 mln.so‘m qo‘shimcha daromadlar yil oxirigacha tushirilishi bo‘yicha manbaa aniqlangan bo‘lib, 184,6 mln.so‘m mablag‘ undirilishga erishildi.

Tuman mahalliy budjetining 2022-yil I-chorak xarajatlari 52 246,6 mln.so‘mga rejalashtirilgan bo‘lib, o‘tgan davrda 47 996,8 mln.so‘m xarajatlar amalga oshirilib belgilangan reja 91,8 foizga bajarildi.

Tuman mahalliy budjetidan 1-darajali xarajatlar, jumladan, ish haqlari va unga tenglashtirilgan to‘lovlar, ijtimoiy nafaqalar, ish haqiga nisbatan pensiya fondiga ajratmalar va kommunal xizmatlar xarajatlariga to‘liq va o‘z vaqtida mablag‘ bilan ta‘minlanib kelinmoqda.

2022-yil I-choragi davomida mahalliy budjetning zaxira jamg‘armasi mablag‘lari hisobidan 321,3 mln.so‘m, erkin qoldiq mablag‘lari hisobidan 6 222 mln.so‘m mablag‘lar tuman hokimining farmoyishlari hamda xalq deputatlari tuman Kengashining qarorlari bilan ajratildi.

Tuman mahalliy budjetining ijrosi to‘g‘risida shuningdek hudud salohiyatidan kelib chiqqan holda mahalliy budjet daromadlarining qo‘shimcha manbaalaridan foydalanish yo‘nalishlari, jumladan, mahalliy budjet daromadlarini oshirishning aniqlangan rezervlari to‘g‘risida tuman moliya bo‘limi mudiri A.Sharipovning hisobotini tinglab, O‘zbekiston Respublikasi “Mahalliy Davlat hokimiyati to‘g‘risida”gi qonunining 24-moddasiga asosan xalq deputatlari tuman Kengashining ellik to‘rtinchi sessiyasi

QAROR QILADI:

1. Tuman hokimligi moliya bo‘limi mudiri A.Sharipovning “Toyloq tumani mahalliy budjetining ijrosi shuningdek, hudud salohiyatidan kelib chiqqan holda mahalliy budjet daromadlarining qo‘shimcha manbaalaridan foydalanish yo‘nalishlari, mahalliy budjet daromadlarini oshirishning aniqlangan rezervlari to‘g‘risida”gi hisoboti ma‘lumot uchun qabul qilinsin;

2. Tuman hokimining birinchi o‘rinbosari J.Xo‘jamurodov, tuman moliya bo‘limi mudiri A.Sharipov hamda tuman Davlat soliq inspeksiyasi boshlig‘i

Sh.Sharipovlar tuman budjeti daromadlar bazasini kengaytirish borasida mahalliy budjetga qo‘shimcha mablag‘lar tushirish bo‘yicha tizimli ravishda doimiy choralar ko‘rib borish;

soliq ma‘muriyatchiligi vositalari hisob va tushumlarning to‘liqligiga, shu jumladan, soliqlardan bo‘yin tovlagan jismoniy va yuridik shaxslarni aniqlash va javobgarlikka tortish hamda biznesning “soyadan” chiqishini rag‘batlantirish uchun shart-sharoitlar yaratish;

naqdsiz to‘lovlarni kengaytirish choralari ko‘rish hamda yashirin iqtisodiyotga qarshi kurashishga keng jamoatchilikni, ommaviy axborot vositalarini jalb qilish;

daromadlar bazasini kengaytirish va iqtisodiy salohiyatini oshirish yuzasidan zaruriy choralar ko‘rish;

jamiyatda yashirin iqtisodiyotga murosasizlik hissini shakllantirish, legal biznes yuritishning nufuzini oshirish orqali mahalliy budjet daromadlari bazasini kengaytirish hisobiga davlat budjeti daromadlari parametrlari so‘zsiz bajarilishini ta‘minlash kabi vazifalar yuklansin.

3. Tuman hokimligi moliya bo‘limi (A.Sharipov)ga:

Tuman mahalliy budjetining 2022-yil I-choragi ijrosi davomida mahalliy budjet xarajatlarini maqbullashtirish natijasida shakllanadigan qo‘shimcha manbaalar hisobidan tumanni ijtimoiy-iqtisodiy rivojlantirish borasidagi chora-tadbirlarni amalga oshirish uchun mahalliy budjetga tegishli o‘zgartirishlar kiritib borish vazifalari yuklatilsin.

4. Tuman g‘aznachilik bo‘limi (B.Kubayev) budjet mablag‘laridan maqsadli foydalanilishi va ularning asossiz sarflanishini bartaraf etish ustidan qat‘iy nazorat qilinishini ta‘minlash borasidagi ishlarni davom ettirish vazifasi topshirilsin.

5. Mazkur qarorning ijrosini nazorat qilib borish xalq deputatlari tuman Kengashining Mahalliy budjet, iqtisodiy islohotlarni amalga oshirish, turizm, investitsiyalar va tadbirkorlikni rivojlantirish masalalari bo‘yicha doimiy komissiyasi (A.Mirzayev) va tuman hokimining birinchi o‘rinbosari (J.Xo‘jamurodov) zimmasiga yuklatilsin.

Kengashi Raisi



B.Babonazarov